

15 MAR 1997

PRESIDEN MOZAMBIQUE LAWAT MALAYSIA MINGGU DEPAN

KUALA LUMPUR, 15 Mac (Bernama) -- President Mozambique, Joaquim Alberto Chissano akan mengadakan kunjungan rasmi selama empat hari ke Malaysia mulai 19 Mac ini untuk mengeratkan hubungan dua hala di antara kedua-dua negara.

Menurut satu kenyataan Kementerian Luar hari ini, Chissano akan diiringi isterinya Marcelina Rafael.

Semasa lawatannya ke sini, Presiden Mozambique itu akan menemui Yang di-Pertuan Agong Tuanku Ja'afar serta mengadakan rundingan dua hala dengan Perdana Menteri Datuk Seri Dr Mahathir Mohamad.

Chissano akan turut menghadiri satu majlis taklimat di Unit Perancang Ekonomi di Jabatan Perdana Menteri serta satu majlis makan tengah hari yang dianjurkan oleh Dewan Perdagangan dan Industri Kebangsaan Malaysia.

Aturcara yang lain termasuk menghadiri majlis taklimat di Lembaga Pembangunan Perindustrian (MIDA) dan Permodalan Nasional Berhad, lawatan ke kilang Proton di Shah Alam dan projek perumahan kos rendah di Jalan Jelatek.

Satu program berasinagn turut diatur untuk Marcelina yang antara lainnya ialah lawatan ke Pasar Budaya dan Kompleks Budaya KRAF. -- BERNAMA

ES MZ RON